

OS MENORES E O CONSUMO

Obradoiros:

- Construción de xoguetes
- Xogar sen xoguetes
- Compra responsable de xoguetes

Descrición dos obradoiros:

CONSTRUCCIÓN DE XOGUETES

Idade recomendada:

Alumnado de Ed. Infantil (3-6) e Primaria (primeiro e segundo ciclo) e EE

Obxectivos:

- Coñecer os materiais cos que se realizan os xoguetes e o impacto ambiental que provocan.
- Tomar conciencia de que para xogar non hai que ter necesariamente un xoguete.
- Aprender a construír xogos e xoguetes a base de materiais de refugallo estimulando a imaxinación e creatividade das nenas e nenos.
- Descubrir que a fabricación de xoguetes é entretida, divertida e moi útil para coidar o planeta.

Descrición e actividades:

Neste taller construímos xoguetes con materiais de refugallo e/ou material natural fomentando así o traballo en equipo, a imaxinación e creatividade. Calquera cousa pode ser un xoguete. Desta maneira concienciamos e sensibilizamos ás nenas e nenos co coidado do medioambiente e cun consumo responsable de xoguetes.

XOGAR SEN XOGUETES

Idade recomendada:

Alumnado de Ed. Infantil e Primaria (primeiro e segundo ciclo) e EE.

Obxectivos:

- Coñecer a orixe do xogo e explicar que é algo innato nas nenas e nenos de todas as épocas e lugares.
- Tomar conciencia do xogo e de que non é necesario empregar xoguetes para divertirse.

- Aprender xogos sinxelos e tradicionais comparando o onte e o hoxe.
- Transmitir ás e ós menores xogos pedagóxicos que favorezan o seu desenvolvemento físico e psíquico.
- Convidar as nenas e nenos a inventar os seus propios xogos fomentando así o traballo en equipo, a imaxinación e creatividade.

Descrición e actividades:

Realizamos un percorrido breve pola historia do xogo e a súa vinculación coa infancia.

Por medio do xogo mostramos ás nenas e nenos a importancia da imaxinación e as posibilidades que ofrecen os xogos cooperativos e tradicionais, sen a necesidade de empregar xoguetes.

COMPRA RESPONSABLE DE XOGUETES

Idade recomendada:

Alumnado de Ed. Primaria

Obxectivos:

- Aprender a reflexionar acerca dos xoguetes que nos gustan.
- Ter conciencia dos materiais e métodos que se empregan para a súa fabricación.
- Analizar o impacto ambiental que producen.
- Fomentar actitudes igualitarias a partir dos xogos e xoguetes que elixen as nenas e nenos, fomentando unha compra responsable e crítica fuxindo de artigos estereotipados ou que implique roles de xénero sexistas.

Descrición e actividades:

Partindo dun vídeo analizaremos como están distribuídos os xoguetes nos centros comerciais e a relación que isto ten coas profesións que desempeñamos no futuro.

Analizamos catálogos de xoguetes e distintas publicidade para ser conscientes do que consumimos, tendo en conta o impacto ambiental na fabricación e consumo de xoguetes.